

C A P U T X.

Noch auff ein andere Weise den vbrigen Sulphur von dem Antimonio zu scheiden.

Wische zu ein Theil pulverisirten Antimonii,
 1. halben Theil Salpeter / vnd zünde solche mixtur mit einer glüenden Kohlen an / so brennet der Sulphur Antimonii mit dem Salpeter hinweg / vnd wirdt ein braune massa darauß / welche / so dieselbe in ein guten Ziegel ein Stunde mit starckem Feuer schmelzet / einen König dem vorigen / welcher mit Sale Tartari gemacht ist / ganz gleich gibt / doch nicht so viel. Deß gleichen kan auch ein Scheidung mit gleichem Gewicht Antimonii, Tartari crudi, vnd nitri, zusammen gemischt / vnd angezündt / vnd geschmolzen / gemacht werden / ist auch eben gut. Weiters kan noch auff ein andere Weise auß dem Antimonio ein Scheidung gemacht werden / also / daß man kleine Stücklein Eisen 1. Theil in ein starcken Ziegel thut / vnd in ein Wind. Ofen starck glüen lästet / darnach 2. Theil Antimonii darzu gethan / vnd wol flüssen lästet / so greiffet der vbrige verbrennliche Sulphur Antimonii lieber in das Eisen / als in ein sulphurisch Metall / vermischet sich damit / vnd lästet also seinen reinen ζ vnd Sulphur oder regulum fallen / welches vngesähr die Helffte so viel / als deß Antimonii gewesen seyn wirdt.

Diese viererley Weise vnd Wege / den anzündlichen

p. 199